

欽定四庫全書

子部

本草綱目卷五十一下



南京中医药大学图书馆版权所有

書

者多用置時珍曰南北皆有北方最多性多疑審聽故捕

種白色者尤稀尾有白錢文者佳日伏穴夜出竊食
聲如嬰兒氣極臊烈毛皮可為裘腋毛純白謂之狐
白許慎云妖獸鬼所乘也有三德其色中和小前大
後死則首丘或云狐知上伏不度阡陌或云狐善聽
冰或云狐有媚珠或云狐至百歲禮北斗變為男婦
以惑人又能擊尾以出火或云狐魅畏狗千年老狐
以千年枯木燃照則見真形或云犀角置穴狐不敢
歸山海經云青丘之山有狐九尾能食人食之不蠱
鼎曰狐媚見人或叉手有禮或祇
揖無度或靜處獨語或裸形見人

肉氣味甘溫無毒

說曰有小毒禮記云食狐去首為害人也

主治同腸作

臃食治瘡疥久不瘥

蘇恭

煮炙食補虛損及五臟邪氣

患蠱毒寒熱者宜多食之

孟詵

作膾生食暖中去風補

虛勞

蘇頌

附方

舊一

狐肉羹

治驚病恍惚語言錯謬歌笑無度及五臟積冷蠱毒寒熱諸病用狐肉一

斤及五臟治淨入豉汁煮熟入五味作羹或作粥食京中以羊骨汁鯽魚代豉汁亦妙

心鏡

五臟及腸肚氣味苦微寒有毒主治蠱毒寒熱小兒

驚癇

別錄

補虛勞隨臟而補治惡瘡疥生食治狐魅

日華

作羹臠治大人見鬼

孟詵

肝燒灰治風癇及破傷風

口緊搐強

時珍

古方治諸風驚癇有狐肝散及衛生寶鑑神應散普濟方治破傷中風金烏

散中並

用之

附方

新四

勞瘧瘴瘧

野狐肝一具陰乾重五日五更初北斗下受氣為末粳米作丸菜豆

大每以一丸緋帛裹繫手

鬼瘧寒熱

野狐肝膽一具新瓶內陰乾阿

中指男左女右

聖惠方

魏一分為末醋糊丸芡子大發時男左女右把

一丸嗅之仍以緋帛包一丸置手中指

聖惠

中惡

蠱毒

臘月狐腸燒末水服方寸七

牛病疫疾

恭曰狐腸燒灰水灌之勝癘也

膽

臘月收之

主治人卒暴亡即取雄狐膽溫水研灌入喉即

活移時者無及矣

蘇頌續傳信方

辟邪瘧解酒毒

時珍萬畢術

云狐血清黍令人不醉高誘註云以狐血清黍米麥門冬陰乾為丸飲時以一丸置舌下含之令人不醉也

附方

新

狐膽丸

治邪瘧發作無時狐膽一箇硃砂砒霜各半兩阿魏麝香黃丹菜豆粉各一分

以為末五月五日午時用粽子尖和丸梧子大
空心及發前冷醋湯服二丸忌熱物 聖惠方

陰莖氣味甘微寒有毒 思邈曰 主治女子絕產陰中

痒小兒陰癩卵腫 別錄 婦人陰脫 時珍

附方

新

小兒陰腫

狐陰莖灸為末空
心酒服 千金方

頭主治燒之辟邪同狸頭燒灰傳瘰癧

時珍 千金

目主治破傷中風

時珍

發明

時珍曰狐目治破傷風方見劉氏保壽堂方云
神效無比臘月收取狐目陰乾臨時用二目一

副炭火微燒存性研末無灰酒服之又淮南萬
畢術云狐目狸腦鼠去其穴謂塗穴辟鼠也

鼻主治狐魅病同豹鼻煮食

時珍

唇主治惡刺入肉杵爛入鹽封之

聖惠

口中涎液主治入媚藥

嘉謨曰取法小口瓶盛肉置狐常行處狐爪不得徘徊於

上涎入瓶中乃收之也

四足主治痔漏下血

時珍

附方新痔漏

反花瀉血者用狐手足一副陰乾穿山甲蠟皮各三兩黃明膠白附子五靈脂

蜀烏頭川芎薊乳香各二兩剉細入砂鍋內固濟候乾炭火煨紅為末入木香末一兩以芫荽煎酒調下

二錢日三服屢

效永類鈐方

皮主治辟邪魅

時珍

尾主治燒灰辟惡

日華頭尾燒灰治牛疫和水灌之

雄狐屎

恭曰在竹木及石上尖頭者是也

主治燒之辟惡

別錄

去瘟疫

氣

蘇恭

治肝氣心痛顏色蒼蒼如死灰喉如喘息者以

二升燒灰和薑黃三兩搗末空腹酒下方寸七日再

甚效

蘇頌元亮

海上出崔方

瘰癧惡刺入肉燒臘月豬脂封之

千金

附方

舊一新

鬼瘧寒熱

雄狐屎蝙蝠屎各一分為末醋糊丸芡子大發時男左女右手

把一丸嗅之

一切惡瘻

中有冷瘰肉者用正月狐糞乾末食前新汲水下錢日二千金

貉

音鴟
行義

校正

原係獾下
今分出

釋名

時珍曰按字說云貉與獾同穴各處故字從各說文作獾亦作貉爾雅獾子曰貉音陌其子曰

貓音惱原本以

貉作獾者訛矣

集解

宗奭曰貉形如小狐毛黃褐色時珍曰貉生山野間狀如狸頭銳鼻尖斑色其毛深厚溫滑可

為裘服與獾同穴而異處日伏夜出捕食蟲物出則
權隨之其性好睡人或蓄之以竹叩醒已而復寐故
人好睡者謂之貉睡俗作渴睡謬矣俚人又言其非
好睡乃耳聾也故見人乃知趨走考工記云貉踰汶
則死土氣使然也王浚川言北曰狐南曰貉星
禽書言戌土貉是十歲獨狐化成者並非也

肉氣味甘溫無毒主治元臟虛勞及女子虛憊

蘇頌

獬

音湍
唐本草

釋名獬狔藏器猪獬

時珍曰獬狔也其狀團肥也爾雅云獬子曰獬其足踏其跡瓜踏足

掌也風指
頭跡也

集解

頌曰獬似犬而矮尖喙黑足褐色與獬貉三種大抵相類而頭足小別郭璞註爾雅云獬一名

獬以為一物然方書說其形狀差別也宗奭曰獬肥矮毛微灰色頭連脊毛一道黑短尾尖嘴而黑蒸食極美時珍曰獬即今猪獬也處處山野間有之穴居狀似小猪獬形體肥而行鈍其耳聾見人乃走短足短尾尖喙褐毛能孔地食蟲蟻瓜果其肉帶土氣皮毛不如狗獬蘇頌所註乃狗獬非獬也郭璞謂獬即

獬亦
誤也

肉氣味甘酸平無毒主治水脹久不瘥垂死者作羹

食之下水大效

蘇恭 聖惠用粳米葱豉作粥食

服丹石動熱下痢

赤白久不瘥煮肉露一宿空腹和醬食一頓即瘥瘦

人煮和五味食長肌肉

孟詵 宗奭曰野獸中惟羆肉最甘美益瘦人

治上

氣虛乏欬逆勞熱和五味煮食

吳瑞

膏主治蜚蠊蠱毒胸中哽噎怵怵如蟲行欬血以酒

和服或下或吐或自消也

崔行功

胞主治蠱毒以臘月乾者湯摩如雞子許空腹服之

唐本草

骨主治上氣欬嗽多研酒服三合日二取瘥孟詵

獾食物

釋名狗獾音歡天狗時珍曰獾又作貍亦狀其肥鈍之貌蜀人呼為天狗

集解汪穎曰狗獾處處山野有之穴土而居形如家狗而脚短食果實有數種相似其肉味甚甘美

皮可為裘時珍曰貓猪獾也獾狗獾也二種相似而畧殊狗獾似小狗而肥尖喙矮足短尾深毛褐色皮可為裘領亦食蟲蟻瓜果又遼東女直地面有海獾皮可供衣裘亦此類也

肉氣味甘酸平無毒主治補中益氣宜人汪穎小兒疳

瘦殺蚰蟲宜噉之

蘇頌功與獐同時

木狗

綱目

集解

時珍曰按熊太古冀越集云木狗生廣東左右江山中形如黑狗能登木其皮為衣縹能運動

血氣元世祖有足疾取以為褥人遂貴重之此前所未聞也珍嘗聞蜀人言川西有玄豹大如狗黑色尾亦如狗其皮作裘縹甚暖冬月遠行用其皮包肉食數日猶溫彼土亦珍貴之此亦木狗之屬也故附見於此云

皮主治除脚痺風濕氣活血脉暖腰膝

時珍

豺

音濟唐本草

釋名豺狗

時珍曰按字說云豺能勝其類又知祭獸可謂才矣故字從才埤雅云豺柴也俗名

體瘦如豺是矣

集解

時珍曰豺處處山中有之狼屬也俗名豺狗其形似狗而頗白前矮後高而長尾其體細瘦而

健猛其毛黃褐色而鬚鬣其牙如錐而噬物群行虎亦畏之又喜食羊其聲如犬人惡之以為引魅不祥其氣臊臭可惡羅願云世傳狗為豺之舅見狗輒跪亦相制耳

肉氣味酸熱有毒

說曰豺肉食之損人精神消人脂肉令人瘦

皮氣味熱主治冷痺軟脚氣熟之以纏裹病上即瘥

蘇恭療諸疳痢腹中諸瘡煮汁飲或燒灰酒服之亦可

傳蠱齒瘡

孟詵又曰燒灰和酒灌解槽牛馬便馴良附人

治小兒夜啼百法

不效同狼屎中骨燒灰等分水服少許即定

時珍出總錄

狼

拾遺

釋名毛狗

時珍曰禽書云狼逐食能倒立先卜所向獸之良者也故字從良爾雅云牡曰獾牝

曰狼其子

曰獾音叫

集解

藏器曰狼大如狗蒼色鳴聲則諸孔皆沸時珍曰狼豺屬也處處有之北方尤多喜食之南人

呼為毛狗是矣其居有穴其形大如犬而銳頭尖喙白頰駢脇高前廣後脚不甚高能食雞鳴鼠物其色雜黃黑亦有蒼灰色者其聲能大能小能作兒啼以魅人野狸尤惡其冬鳴其腸直故鳴則後竅皆沸而

糞為烽烟直上不斜其性善顧而食戾踐藉老則其胡如袋所以跋胡蹙尾進退兩患其象上應奎星頡曰猧足前短能知食所在狼足後短負之而行故曰狼猧

狼筋

藏器曰狼筋如織絡袋子又若筋膠所作大小如鴨卵人有犯盜者熏之即脚攣縮因之獲賊

也或言是狼脰下筋又言是蟲所作未知孰是時珍曰按李石續博物志云唐時有狼巾一作狼筋狀如大蝸兩頭光帶黃色有段祐失金帛集奴婢於庭焚之一婢臉暈乃竊器者此即陳氏所謂狼筋也愚謂其事蓋術者所為未必實有是理而羅氏爾雅翼解為狼脰中筋大於雞卵謬矣

肉氣味鹹熱無毒

味勝狐犬

主治補益五臟厚腸胃填骨

髓腹有冷積者宜食之

時珍出飲膳正要

膏主治補中益氣潤燥澤皴塗諸惡瘡

時珍

發明

時珍曰臘月煉淨收之禮記云小切狼膈膏與稻米為飢謂以狼胸臆中膏和米作粥糜也古

人多食狼肉以膏煎和飲食故內則食狼去腸周禮獸人冬獻狼取其膏聚也諸方亦時用狼之靨牙皮糞而本草並不著其功用止有陳藏器述狼筋疑似一說可謂缺矣今通據飲膳正要諸書補之云

牙主治佩之辟邪惡氣刮末水服治獠犬傷燒灰水

服方寸匕治食牛中毒

時珍出小品諸方

喉靨主治噎病日乾為末每以半錢入飯內食之妙

聖惠